

Die Schwarze 2006

Ä Zang usgschlage, äs Ohr abbisse,
D' Kravatte abgschnitte, der Rock verschrissse,
Äs blaus Oug hie u äs blaus Oug da:
Der Bundesrta het Sitzig gha.

Blup blup, blup blup, blup blup blup,
Blup blup, blup blup, blup blup blup,
Blup blup blup, so tönts z'Bärn mängisch;
Das isch halt z'nöie Matteänglich!

Für d'Wahle isch der Fuchs parat,
Är tuet fasch wie ne Bundesrat.
Das chline arschloch möchte drum gli
So nes grosses wie der Blocher si!

Sit paar Tag hei mir d'Vogugrippe
Als einzigi vor ganze Sippe.
Z'Fieber isch zwar miggerig,
Derfür si mir der ganz Tag giggerig.

Hesch ä Nachricht, wo um d'Wält sött gah,
Garantiert i allne Ziiitige stah,
So dass se würklech alli gseh,
De verzells am Gheimdiensch vom EMD!

Zeigsch gärn di Arsch u bisch biireweich,
Hesch gärn viel Dräck, verzellsch gärn Seich,
Bisch Black, bisch Blond, tuesch wie ne Sou,
Ja, das git ä eignig Fernsehshow!

Äs Zuckerstöckli, äs paar Ballön,
Der Sämi Schmid u no zwe Clön:

Das choscht hundert Stutz u isch ke Bschiss,
Sondern d'Eröffnigsfiir vom Stade de ...Thun

D'Schwiiz sött mit Dütschland fusioniere,
De chönnt d'Swisscom ändlech expandiere.
Mir würde o d'Angela Merkel näh,
We mir de Schwobe chönnt der Blocher gäh!

Heit Dir villedt der Tschäppät gseh?
Sit letscht Ougschte isch dä nienemeh!
Mir si besorgt, mir müesse bange,
Dä sig ir Aare ungerange!

Ig rouke nümm, das isch verbi,
Z'Kiffe la n ig ou la si.
Beides isch doch total schlapp,
Ig fahre itz uf Fiinstoub ab!

Das isch äs Füdle, das ä Ball,
Liebi Türke lueget gnau:
Wenn treffen Ball, du an WM farsch,
Wenn treffen Füdle, du am Arsch.

Der Stadtbach fliesst paar Meter offe,
Itz stell dir vor, der Fuchs isch bsoffe,
De spüelts dä furt, ghörsch ne nur no lalle:
S' het eifach viel z'viel Wasserfalle!

Zum Abschluss, als Satire pur
Zeige mir ä Karikatur!
Mir hoffe bi Buddha, Gott und Allah
Das Bildli tägi allne gfalla!